

文文忠公事略

二卷



89391

文文忠公自訂年譜上

嘉慶二十三年戊寅九月十七日戌時子生於遼陽

任所生時舌黑火盛先大母憂甚寄名於瀋陽小

西關外

關帝廟

二十四年己卯二歲甫生齒齒亦黑先大母憂逾

甚延醫服藥幾無虛日

二十五年庚辰三歲冬底出天花極順然聞太夫

人云先大母爲予焚香拜佛額幾腫今追思先

文文忠公事略

卷二

年譜上

大母不禁愴然

道光元年辛巳四歲正月初九日弟文祺生七月

先大母逝彼時稍能記事是年從妹生

二年壬午五歲會記先大父教子識字授以糖果


又記身有瘡痂搔之甚痛後聞太夫人云知爲出

水痘

三年癸未六歲先大父教子同兄桂樞公讀三字

經子質較鈍而性褊急不讓兄先是年先大母安

葬先君孝思純篤因山向不宜於所居後院築室



停柩三載日日晚間攜予等至靈前叩拜始終不懈
四年甲申七歲延同城老侑生曾先生諱爽授讀

先大父鍾愛囑勿過嚴秋初甫讀至上論師卽病故
學輟

五年乙酉八歲同巷常宅設塾與兄出就外傅師爲

山東諸城縣生員趙公諱有成歲底讀至孟子天時

章是年先君爲先大父置服役人王氏嗣於道光廿五

年病故葬老坐後予幼時極蒙撫恤至今每週祭掃必竭誠叩拜

六年丙戌九歲仍在常宅從趙先生讀先生嗜游時

交文忠公事略

卷二年譜上

二

常帶子等向各處閒走且好誇張攜予等在教官衙門講書以矜其功然所講皆口頭禪非眞實學也

七年丁亥十歲常宅另延一師亦趙姓諱尙綱係遼

邑老童生子與兄仍就讀師疏懶曠功較前師尤甚

交冬四子書尙未讀竟蓋自酉春至亥冬學如未學

矣是年移於所居南街

八年戊子十一歲從楊先生讀諱萬青遼邑增生塾距家

甚遠師亦稍寬是年予又患胃熱咳血僅將四書讀

完冬與兄赴藩挑官學生記名兄列第十子列第十

一 是冬蓄髮辨俗名跳牆

九年己丑十二歲仍從楊先生讀初授詩經講論語
稍能領會學做二韻詩夏間又患翻胃證食後即吐
冬初始愈學復輟是年春弟聘鈕祜祿氏秋七月四
從弟文超生

十年庚寅十三歲因上年患病兄及同窗中向讀詩
經者均已讀畢予甚愧入塾後發憤誦讀三閱月即
與眾人同讀書經蓋予本滯鈍質遜於人而性躁又
不肯居人下故一生用力較苦自十歲起皆從楊先

文忠公事略 卷二年譜上

生讀

十一年辛卯十四歲楊先生赴鄉闈代請陳先生就
伊館是歲作六韻詩開筆學作入股秋八月 先大
父逝時年八十五歲 先君哀毀倍至予弟兄素承
鍾愛亦慟泣不已是年弟已十一歲始從陳先生開
蒙弟聰慧 先君愛甚故就傅甚遲陳先生諱
智山東招遠縣生員

十三年壬辰十五歲讀禮記誦古文陳先生課讀嚴
而有法講書尤真切然以速成爲戒以故歲暮僅作

至兩大比是年春聘瀋陽滿洲舒穆祿氏筆政如公
諱茂之女長予一歲

十三年癸巳十六歲陳先生以舊讀經書未能清誦

命溫習之不令讀易經僅兼誦古文時文夏初甫完

篤值先君患病予憂甚奉侍湯藥月餘先君病

愈始復就學旋值先君赴省京察予以先君新

愈體氣尙未復元乃隨往朝夕不離左右復曠業半

載是秋所聘舒穆祿氏故距定親僅年餘聞聘妻甚

孝因父母患時疫親侍湯藥染病而歿

是秋又移於所居後街官

文忠公事略

卷二年譜上

四

遼邑三十餘年自此始典房居住然典價尙有一半借自友人宦况清苦可知矣

十四年甲午十七歲陳師回山東從高先生讀

諱曰

登遼陽生員師雖老授讀有名是時予見入泮者心羨極

且憂家貧而名不立乃晝夜攻苦師又善誘掖暇時

爲予等講史鑑勵以修身立品功夫頗多領悟讀左

傳再講四書文境大有進益師亦甚爲許可借受業

僅一年耳是年聘瀋陽正黃旗漢軍貢生德公

印謙

之女潘氏長予四歲初聞岳家甚充裕予恐貧富相

形難以爲偶後知爲書香世系心稍安

十五年乙未十八歲高先生因老病回鄉延屯居之
張先生受業諱雲龍漢軍正黃旗生員嚴於督課舊讀之書

至此始清誦惟文境殊少進益是年初學作賦苦於
記誦甚少措詞頗窘冬從兄完婚

十六年丙申十九歲與兄應童子試不售先君因

考筆帖式場期臨邇令予等學清文冬十一月成婚

予雖學清文猶時讀八股未忍廢棄是年五從弟文

衡生

十七年丁酉二十歲先君欲急爲納監備考而限

文忠公事略

卷一

年譜上

五

於力薄僅爲從兄報捐予則由岳丈代捐受岳家

培植自此始夏間與兄赴藩寓五姑母家卽今表兄薩宅遂

從兄之外祖德公諱克進布學繙譯

十八年戊戌二十一歲夏四月入筆帖式場向來此

試不獨繙譯係一人捉刀闔場同用卽試卷亦多倩

人代寫家本無力且亦恥於槍替弟兄均自寫試卷

予卷尙欠半行未完陡患病不支兄卷已完且佳甚

因代予補足榜發皆外孫山兄忿極棄筆硯學弓馬

擬入行伍予自揣體弱礙難投筆從戎且見是科會

墨覺中式者不過爾爾於是頓生妄念仍理舊業轉
思家道素寒卽令尙堪應試盤費又將何出況學力
本淺數年來又時常曠功入鄉闈談何容易念及此
甚費躊躇是年冬弟完婚匪異二人

十九年己亥三十二歲因上年初讀墨卷

向來業師以大家文

爲重恐予等學墨卷故不令見此物

仍覺鄉會文易於揣摩妄念不息

於是大肆攻苦是時舊師楊先生猶設帳復從看課
師因子家寒不受束脩心甚感愧夏間 岳母來遼

看視述

岳丈意云聞予欲就科場甚喜恐用功不

文文忠公事略

卷二年譜上

六

專邀次年赴瀋讀書

先君雖不欲負累親戚然重

岳丈命勉爲許之是年從姪春麟生

二十年庚子二十三歲正月赴岳家讀書所延師係

岳丈舊日窗友漢軍正黃旗生員 春旭先生

諱景

暉素有文名且善書是時

岳丈承繼子

印興緒已

七歲入學開蒙館中僅予郎舅二人極清靜功課甚

專 春旭先生課文得法 岳丈復時常指點多有

所得夏

春旭先生擬鄉試予尙不敢往

岳丈欲

令觀場回家稟明

先君甚嗔予妄然亦以

岳丈

有成命未肯重拂厚意姑許之五月隨春旭師赴京寓東便門外月河寺地極幽僻朝夕用功不敢間斷場後師索觀予文曰氣機頗好然尚有渣滓惜未值同號與汝稍筆削耳予請觀師文甚佳愈覺無望師留同候揭曉予既無興致又兼初次遠遊亟以雙親爲念刻卽先歸揭曉師落孫山予竟僥倖月河寺地本僻奉省滿合號又罕有寓此者京報無從知悉迨小陽月朔接春旭師由京觀榜之賀函始知獲售

先君太夫人

喜不待言

岳丈尤喜甚曰昔我先

交文忠公事略

卷一

一年譜上

七

君嘗欲爲孫女擇一科甲婿今果如願矣冬赴藩具呈請咨赴會闈兼備覆試

二十一年辛丑二十四歲正月擬起程赴京岳丈

以無人伴送不甚放心且欲借此一游燈節前卽攜

予入都仍寓月河寺日日攻苦覆試前岳丈先歸

留富坦園伴予

坦園是時在岳丈典鋪學習是以率伊同往

老僧因上年

寓居足不出戶相待較同寓諸人甚優於公共飲饌

外恒另饋茶點本年僅予一人下榻欸待尤殷勤場

後自揣闈作逾於上年默念或許僥倖乃榜發竟落

第歸後甚掃興 岳丈及 春旭先生勸勉甚切同
家省視月餘仍赴瀋讀書於岳家

二十二年壬寅二十五歲春初卽赴岳家讀書四月
聞家中失火急回省視先是下人獲竊柴者逞忿毒
打未幾夜間卽有人在柴塚放火幸鄰里羣集撲滅
迅速未致延燒房間然從此每夜拋甌擲瓦幾無虛
日家中向無更夫下人又少予恐

先君
太夫人驚恐晚

間與 叔父及弟更番隄防不能安枕於是又廢學
多日斯時有人勸予出入公門謂可致富者此等事

文忠公事略

卷二年譜上

八

不獨 先君深以爲戒卽余亦心鄙久矣由是屏絕
酬酢輕易不出門戶人多訕諛焉是年胞姪女生照
從兄所生女排爲第三

二十三年癸卯二十六歲 先君小有煩躁病然體
氣精神甚健尙不致貽誤官事惟向來宦情本淡又
方正自守於時勢多不相宜自念官遼邑已三十餘

載頗思故土擬告病開缺時值有刑部筆政德公

著

欲與 先君呈請換缺

向例內外城筆政如欲各就
廬墓准呈請對調凡調優缺

者資助苦缺遼陽優刑部苦德公欲資助先君
不可親友勸之再四始允然先君終以爲歎 四

月全家移回瀋陽以轉典遼陽住房原價及德公助
項買大南關玉皇閣前街住房十餘間用價四千五百餘千又

接典內務府王姓鐘樓南市房一所用東錢二千餘千此外

囊無一錢矣親丁二十餘口食指愈多進項愈少未

幾鐘樓南市房租住者又復歇業此房僅取租一月即行關閉後始知

門面房內有一間係王府地基另取地鋪租銀接典
時為原業主所騙此後與原業主涉訟至今案未結

文契仍存糧廳衙門其房
無人接租現已坍塌殆盡景况益窘不數年並將舊

產典當殆盡舊產係先大父當年所置共取租六百餘千至是愈形拮据

家中恒無隔宿糧然先君處之怡然蓋先君向

文忠公事略 卷一 年譜上

來恬靜不為境遇遷官遼時即係如此遼陽筆政一

缺專管稅務兼理城守尉衙門詞訟俗稱美缺前後

居斯任者皆能富有先君在遼遇訟案無不秉公

速為斷結稅務有不便於商民者悉罷裁之以故有

青天佛爺之稱且口不言人過與人相處無論貴賤

悉本忠恕之心而性最孝友遠近皆知往往涉訟者

遇先君聽斷則兩造感愧自願息訟瀕行時軍民

擬郊餞先君先期避道行軍民走送不及至今尙

有去後思先君回省後有素識捐復刑部候補筆

政宜公

鍾聞

先君不欲再入仕途望補先君缺

商請資助先君前受德公資助已非所願因答曰

一之爲甚豈可再乎彼此相交最契予何妨爲兄成

就此舉於是未到刑部任卽呈請開缺宜公後因子

宦京職擬備資助予亦未受先君深以爲然予

今日居官處事猶遵先君家訓然自問持身律已

迴不及先君居心出於至誠蓋時時慚懼不已是

年夏仍赴岳家從春旭先生課文

先生長子成名善號寶巖是年

入學

文文忠公事略

卷二年譜上

十

二十四年甲辰二十七歲又赴禮闈仍係坦園相伴

至月河寺老僧已故予欲另覓寓所其徒云老僧遺

言文公將來必於本寺有光至時務留下榻切勿慢

待予感其情仍寓居焉揭曉後又不第甚惆悵自念

親老家寒亟於博升斗粟爲養親計聞明歲又將考

筆政擬仍就滿場至家後岳丈盼子成科第甚切

力勸勿就予因是年薦卷並邀堂備熱念亦不息於

是仍就岳家讀春旭先生已回家寶巖授妻弟讀

與予互相切磋最相契是年五月初一日丑時長女

生子歸甫數日耳女命名會格取中會之意冬月十九日姪凱肇生

二十五年乙巳二十八歲又值

恩科竊念自納監以至近年讀書赴考凡所需束脩盤費皆係岳家資助屢負厚望慚愧難容此行若再不售不獨無以對岳家且何以對親友遲疑不果者累日先君亦謂不可屢次徒累親戚乃岳丈力爲勸勉是時坦園有他事岳家另命老成家丁劉姓相隨至京同伴人不欲住月河寺改寓奉天會館仍力爲攻苦場後自念會試已歷三科未知命運究竟若何中夜輾轉恒不成寐聽報之前一日心中百感交集竟夕無眠天明後同人皆赴街頭看紅錄予則在館癡坐其况味可知飯後報錄者至竟以三十九名獲售喜出望外報至奉省正值幼女出天花極順岳家之喜殆甚於

先君

岳丈立遣坦園赴京持會

銀五百以濟資斧坦園至京值予已殿試朝考畢引

見以部曹用俟予籤分工部入署後坦園方歸予候十月

覃恩以便請

封單恩前告假
不准請封

冬月請假臘初抵家叩謁雙親悲喜交集

尙未及赴岳家叩謝 岳丈已來宅看視其喜可知

先君每以予不善書中式時不畏歸班深畏以知縣

卽用蓋恐性拙於外官大不相宜後用京職心稍慰

然又念住京資斧無出深以負累親戚爲憂父母愛

子之心無所不至矣

二十六年丙午二十九歲新正商請先君擬作

迎養計奈 雙親以故土難離又以弟在省當差不

欲就養假期屆滿催令攜眷赴都予仍力請 岳丈

亦從旁婉勸始終不肯並諭予云俟汝弟得有升階

引

見時必一同前往彼時卽順便住京就養然此不過 雙親

慰藉之詞且弟之升階尙不知在何日能無倍深依

戀嗣復催令起程不敢重違 親命四月勉強就道

叩辭後途中袖淚時時不乾矣 岳丈親送予夫婦

至京暫賃前門外取燈胡同房居住凡日用器具及

當差車馬無不代爲備製諸事定 岳丈始於六月

歸里並念長安居不易自此每歲恒寄三四百金以

文文忠公事略

卷一 年譜上

三

資用度爲婿女計者可謂周備矣此後予以京職薄
宦而能講操守不致有玷家風者皆岳家培植之力
也然予從不言報亦不言謝蓋施之者原非望報而
受之者亦欲報不能徒謝何爲祇好勉圖上進以期
勿負厚情耳秋七月移居城內交民巷徐宅房是秋
寶巖鄉闈獲捷情關同硯倍加欣喜寶巖未候揭曉
卽旋里予爲之看榜寄賀函亦如 春旭師爲予觀
榜報喜時可謂巧合矣

是年正月赴朝北營子

春旭師處叩謝旋赴

文忠公事略

卷一

年譜上

三

遼叩謝從前受業各師

是時曾趙趙高四位先生均已逝世陳先生早

回本籍惟楊先生張先生尚在

卽有燒當店棧各商鋪首羣來

相賀並云太老爺在任我等受福處較今日大

相逕庭

遼陽筆政司牛馬稅暨當行生息店棧斗秤各事故眾商云然

臨行時

知宦囊空澀曾擬集資餽贖乃太老爺不獨不

受且令我等走送不及至今追感不已現在幸

喜少先生

遼陽風俗厚予少時商民多如此稱謂

顯達來此眾甚

欣悅然府上景况我等素知此後住京資斧不

易現已商定大家仍欲相助以備京中用度幸

勿再卻使我等無顏予謝云深感厚情然曷敢
有違嚴訓擅自收受眾人散後尙聚議不已
予深恐糾纏次日卽行嗣有笑予者曰此乃心
悅誠服之錢何不可受且文某以受此等資助
爲恥獨不以受岳家資助爲恥乎予付之一笑
而已此中道理固難爲囿習俗者解附錄於此
後人其深體斯意勿見利思遷致墮家聲也可
二十七年丁未三十歲是年寶巖春闈聯捷亦以部
署用並籤分工部漢軍補缺最難春旭師恐告假

文忠公事略

卷一

年譜上

十四

扣資補缺更遲示令不得請假旋里擬明年來京看
視云云寶巖於是留京供職朝夕盤桓仍如供几硯
時予常謂金榜題名他鄉故知子與兄共兩喜矣是
秋同寶巖寫字作詩文以備考差予並學作賦兼備
補缺後還可轉入翰詹衙門

二十八年戊申三十一歲十月學習期滿奏留以本
部題選主事補用是年幫屯田司掌稿冬春旭先
生來京師弟盤桓甚喜然寶巖尙以未能省視伊太
夫人爲歎而予則觸目動懷以不能定省雙親爲

恨游子思親境不同而情則一焉

二十九年己酉三十二歲春二月 岳丈來京看視

三月補本部堂主事乃選缺也向來題缺升途速選

缺升途遲予向守 先君訓不敢營求故屢逢題缺

未能補授

然嗣後予升任工部侍郎時當年先子補題缺者尙有二人仍充司員任足見人當

安命躁進何爲

岳丈將旋里妻欲隨往 岳丈初不欲予

自恨爲薄宦所羈念妻回家可以稍代溫清因代懇

岳丈乃攜妻女回藩予因邀寶巖同居朝夕用功頗

不寂寞四月考差寫作僅無錯誤然切盼得差冀資

文忠公事略

卷二年譜上

五

奉養乃秋間同考之文式巖放河南副主考

式巖甲格亦同

鄉甲班於甲辰科分工部

予則無分然各有命運不敢怨尤八月

值揀選國子監司業例應入選

是缺乃翰林升途向來翰林內班無人則

以部署外班按科升轉是時改爲揀選

部署甲班以題缺升途速皆盼

一等放道府不願就此途予本選缺且司業乃國子

監堂官與卿貳一體職甚清貴縱使將來轉入翰詹

或有大考之虞然命有由定何不可就惜終以科分

較淺未能選入冬十二月十一日值

孝和睿皇后大事次日又值

孝德顯皇后大事

是時尙居潛邸福晉位

予派充兩處執事甚忙是年

五從弟文衡病亡讀書甚慧年僅十四可惜

三十年庚戌三十三歲正月十四日又值

宣宗成皇帝升遐派予充小升輦差職居小臣感恩則一每

於

几筵執事不勝悲涕四月本部又派充總辦專辦

孝德顯皇后大事時往 暫安處住班五月十一日忽奉

訃音驚悉

先君因患骸疾旋變牙疳醫藥罔效竟

於四月念九日棄養搶地呼天五中摧裂俯念因貧

文忠公事略

卷一年譜上

七

而仕不過為祿養計乃養未至而親已逝縱使異日

列鼎椎牛於吾 父何益况數載宦游久違色笑生

不能定省無虧歿不能親視含殮不孝之罪百身莫

贖當卽匍匐奔喪於六月中旬抵家撫棺哀號慟不

欲生 太夫人及叔父泣告予曰衣衾一切幸有汝

妻預為備製汝岳丈代為經理尙不草率汝須料理

殯葬勿徒哀毀不得已忍慟支持勉襄大事七月初

旬發引以 祖塋山向不宜暫厝大南關外關帝廟

又因 祖塋係族中公共之地擬另覓新地夏間隨

地師向各處覓地迄無合式者奈已百日服滿只得
先行回京擬明年再請假安葬先君守滿洲舊制
向不稱字聞訃時京職同鄉前輩送輓聯贈號厚菴
訃文內遂遵稱焉是年十月初七日姪凱元生
咸豐元年辛亥三十四歲三月請假旋里至瀋敬謹
料理葬事復延素識之劉夢瑚再覓新地夢瑚卽孔
謂金州廳
貢生學品兼優後
舉孝廉方正不就至
祖塋伊云風水甚好並指
先祖墓左一穴尤佳正當
先君分位力阻不可另
覓他處予相度地勢尙不甚狹惟恐
叔父及下輩

文忠公事略

卷二 年譜上

七

按昭穆葬不敷應用 叔父亦勸予勿再遲疑並云

將來我及汝等不妨再覓新地予心始定於是擇吉

立向

早年僅知面向數十里外紅寶石山爲准不知
有分金立向之說至是夢瑚始定爲丑山未向

兼丁丑丁
未分金

於四月初安葬 岳丈並爲備置外槨余

心至今尤爲感切

塋內先年僅有大楊
樹一株餘無他樹

先君在時

屢次付錢與族人囑種樹皆爲騙去予時因有族兄

永成

者人尙明白知顧大體

卽今恩
壽之父

因付伊錢若干

囑爲種樹並於塋東支一窩鋪雇人看守

後於同治
四年改修

仰瓦房三間卽今
看墳人所住之房

又因墳前後俱有車道相距太近

復買墳後蔡姓等地

其文約存凱肇等手

將墳後車道展至所

買地內立石椿四根爲誌墳前舊有地一段係墳上

公產地南偏西大樹下

尙有老墳一座代遠年湮世系無考僅知祭掃而已今四

季仍舊上墳

因將前面車道攔閉並將前段地鏟平不種

收入後塋俾前後墳相連僅南面偏東尙有墳二座

係趙姓早年所葬之墓其地係何人之產亦無考察

自此樹木始能滋生成林

墳上修飾及種樹一切費踐踏及今樹木得以長成者族兄承

成之力居多故予待恩壽較厚也

葬事畢擬請

太夫人就養

太夫人云汝弟已得領催不日即可

文忠公事略

卷一

五十一

七

揀放驍騎校引

見時我必同往弟已成立我無牽望彼時定要住京矣此刻

汝先攜眷回任勿得拘執流連再三婉請不肯俯從

含淚叩辭遊子之傷較丙午年尤甚五月回京供職

移居東裱背胡同思親不置但祝吾弟早得升階請

母赴都耳

二年壬子三十五歲夏引

見中允未蒙

簡放

是缺爲詹事府副堂升途與前記司業缺相同此刻亦改爲統帶引

見矣是年予於本部

兼行處漸多薪俸飯銀較增於是力為節省始稍堪自立矣歲底嬭母逝予與從姊同年生子缺乳嬭母以饒餅哺從姊留乳濟予同太夫人時常述及予心感之猝聞逝世不勝悲愴因設位持服焉

三年癸丑三十六歲正月

孝和睿皇后奉安赴

陵執事值髮逆陷金陵

先是廣西土匪搶劫習以為常官吏因循不理漸至肆行無忌至道光三

十年賊首洪秀全等接踵而起居然蓄髮變服借號謀逆然眾不滿千極易剿辦奈大吏畏縮營伍又廢弛日久以致賊勢鴟張釀至簡派重臣督師亦不能剿捕賊隨連陷府邑竄及兩湖焚掠殆遍官軍

交文忠公事略

卷二年譜上

九

調至十數萬亦無可如何不過遙為尾送而已至是擾及三江如入無人之境即嘉慶年間川楚教匪亦未有如此之甚然則是時遠近大震差竣回京則人星火燎原可不慎歟

心惶惶闔城錢鋪於二月初同日關閉京師已設防任京職者紛紛告假出都有勸予同作走避計者予心以為非照舊供職入署倍勤五月接弟信已授驍騎校起身來京引

見心甚喜然信內未經提及太夫人同來否予日盼之至

日則弟僅隻身來云以金陵之變恐道路不靖太

夫人不欲同來予大失望轉念都城光景暫不請

太夫人來亦可弟旋里因與商確擬稍定仍請就養
乃秋九月髮逆北犯直逼天津所過府邑成墟京師
益惶惑內外城均設嚴防京官甚有不待請假卽倉
皇出城者是時予雖以老親爲念奈忠孝不能兩全
有弟在家侍奉予則盡職可耳位雖卑義不容逃因
此卽眷屬亦不作東旋計未幾巡防王大臣調予差
遣派充文案處總辦本部復派充火藥局監督加以
署中辦事人少於是晝夜奔馳不遑暇處體本弱又
眠食不時從此得勞碌之疾冬初因科分較深堂憲

交文忠公事略

卷二 年譜上

三

恐升轉翰詹專摺奏留以本部題選缺員外郎補用
是年三月邁 太夫人諭置侍妾白氏妾幼失父母
僅記爲涿州人云時年二十四歲十月念六日寅時
生無他長僅取其樸實耳

四年甲寅三十七歲二月補都水司員外郎署料估
所掌印賊先於正月分兩股一竄踞直隸連鎮一竄
踞山東馮官屯官軍分路圍剿夏四月連鎮報捷軍
務稍緩竊念如巡防撤後或稍可休息並料理迎養

詎意秋初本部右堂載 印 齡奉

旨前往陝西查辦事件奏帶充隨員力辭不獲七月下旬起程行至山西奉

密旨始知係查辦四川案件予沿途深恐騷擾地方時時嚴

防下人舞弊遇有餽贖概不收受然性拙而不善處

置大為同人所惡欽差一係本部載一係閣學崇實隨員係戶部主事延愷盧定

勳刑部主事邊寶誠輝鴻儀本部員外郎九月抵川

那謙同予六人予與延邊盧三公最相契至十月查辦甫畢又奉

旨查辦他案十一月中旬始差竣起程抵陝載堂

簡署陝撫予等隨崇堂回京除夕在山西聞喜縣北相鎮度

文忠公事略 卷二年譜上

年時接京信 岳丈因予出差恐京宅無人照料已

於秋間來京且以所居湫隘另賃台吉厰房於冬初

已移徙矣並悉秋間弟引

見防禦擬陪予深恨直隸尙未肅清又值出差未能商請

太夫人來京尤以未得見弟闊談為歎孰知此後與

吾弟永無相見之期思之可慘是行所經各省均有

軍務不無戒心幸途次尙未遇險可稱天佑往返另有日行

記

五年乙卯三十八歲新正於直隸并徑途次復接京

信知予於上年冬已列京察一等那公不獨未列一等且摘去印鑰予自幸不爲出差所累至得列一等與否尙在其次正月月底抵家方知如岳丈在京守候相見甚喜二月初京察引

見未蒙

太夫人與

妹父商室以無代民負荷賦課不

記名予以人老親在堂不欲外放無足介意岳丈前恐擾

予神思至是出年前家信始驚悉吾弟於上年冬月以時疫作故不勝慟切吾弟年僅三十有五甫有進階卽如此天促况素爲太夫人鍾愛忽遭此變情

交文忠公事略

卷二年譜上

三

何以堪予斯時旣悲鴈序之乖愈切萱闈之念更不知太夫人此際慈體若何二姪俱幼膝前再無奉侍之人立欲請假迎養岳丈再三勸慰許以歸後命人妥送太夫人來京不得已從之旋接家信太夫人與叔父商定以無力另覓新地弟柩不可久懸已於四月間附葬於先君之右矣然位在

先大父之前予心尙未釋然奈已成之事不便改作岳丈旋卽歸藩時馮官屯髮逆稽誅巡防處未撤予照舊當差惟日盼太夫人來京乃三月間又爲本

部正堂全印慶奏帶隨往天津驗收海運事前並不
告知道奉

旨後已不能辭矣予以上年出差大費周章幸以拘愚未招

物議此差又係素稱名利兼收人多求之不得者偏

又派往益為滋懼躊躇再四只得預先稟明不收外

省薪水不受地方供應並事竣不邀保獎是差南首向有厚餽

名曰薪水本地方預備供應甚豐差竣復有升階花翎厚獎幸全憲及同人不以

為非且深見重三月中旬抵津勞碌病體於該處水

土尤不相宜又兼思母慟弟病益深然不能不勉力

文忠公事略 卷二年譜上

三

當差五月馮官屯報捷奏撤巡防予於差次蒙獎知

府銜並

賞戴花翎加軍功三級六月差竣全憲又欲保獎予以預會

稟明且已蒙巡防處厚獎豈可重疊邀

恩辭之至再全憲曰若如此則同事諸人難以請獎我為汝

僅請加銜並非升階外放諒必心安予恐誤他人事

勉從所擬於是請

加道銜此次欽差一係全憲一係倉場侍郎文印彩隨員係戶部郎中王友端員外郎恭釗工部員外郎陸簡

謹飭幸免物議 回京後憊甚請假調養未半月又

遇

孝靜康慈皇后大事崇時尙未

太后追堂憲派子充總辦連番

催促不得力疾入署值庫欸支絀竭力經營於節

省中又不敢誤事殫心力交瘁矣成案應銷十一萬餘兩此次改用錢

款自始至終僅銷三十餘萬千以時價合銀止五萬餘兩蓋節省過半矣然所裁者浮費耳於典禮並未

少秋九月岳丈命坦園及四從弟送太夫人來

京相見悲喜交集自此稍有天倫之樂然此事予感

岳丈情尤切十月題升虞衡司郎中十一月又因恭

辦

文文忠公事略卷二年譜上

岳

奉移事畢蒙

賞加三品銜深喜未入外官升途是年充本部清檔房總辦

掌司務廳印鑰

六年丙辰三十九歲春岳丈代請劉慎之印銘箴

來京授二姪讀慎之初業儒旋就貿易歇業善寫算

岳丈蓋恐子差繁不能顧家務半欲伊代為經理四

月以人口多房不敷用移居兵部窪中街秋值京察

復帶蒙

記名旋蒙

召對初近

天顏不勝戰慄乃

聖諭温渥垂詢出身履歷及當差年分甚久幸覆奏無差出

已汗透重衣予向年本不欲就外任現值弟又逝世

太夫人已逾古稀儻蒙

簡放軍務省分子雖不畏險阻究不能請 母隨任彼時更

進退兩難遂於次日呈明親老請留京供職同寅多

勸仍就外任以免清苦且謂過慮何以預知必遇軍

務省分子曰與其後悔將來莫若綢繆未雨况人各

文忠公事略

卷二年譜上

三

有志自問亦不勝外任之職是年歷掌營繕都水二

司印鑰

七年丁巳四十歲二月值

御門放缺蒙

恩簡放太僕寺少卿喜甚從此長任京職可以朝夕侍養矣

次日具摺謝

恩垂詢承辦

慕東陵大事

是時於上年派承修

孝靜康慈皇后將次

奉安予慕東陵工程仍兼辦大

事及出差川省各情形極詳細

聖恩優渥感激難忘旋工部堂官奏請暫留本部恭辦
慕東陵奉安事宜六月差竣回京始赴太僕寺任事自此後

屢蒙

召對矣太僕寺公事極簡除堂期進署及赴

園奏事別無要件時所居東院舊有廳事三間花木十
餘株多年荒蕪閒中打掃潔淨侍養之餘看書寫字
調理陳疴因念 岳丈從前爲經營一切不獨視女
如兒抑且視婿若子今雖有承繼之內弟然己身所
出則止此一女且婿居半子之名子從前若非岳家
培植亦何能臻此飲水思源難忘所自於是以應得

三品

封典請

賜封

岳祖

父

岳父

母

題奏

允准無足言報不過各盡其心而已冬體稍強臘初又奉

旨派往巴林蒙古貝子處

賜奠尙未起程又蒙

恩簡放詹事府詹事是缺乃翰詹衙門登峰造極之官以外

鄧甲班任此清貴旣喜且慚次早謝

文文忠公事略

卷二

一年譜上

三

恩怡值封篆卽於是日到任有人曰三品京堂向不出
賜奠差可以咨行該衙門奏請更設林西少詹司及中
改派免受辛苦賠累予以奉恐夫代藩小童外命發一具
派在前升任在後且
君命焉可規避仍料理起程事宜是歲十一月妾生次女

太夫人命名招小望招徠小孫之意

八年戊午四十一歲正月初旬具摺請

訓召對時

訓以嚴束下人各事敬謹應對十三日啓程預先咨行經過

文憲公事略

卷二年譜上

毛

各處於照例支給廩餼及更換驛馬外不得預備公
館酒席途中所經皆沙漠兼多毳幕天尙嚴寒較四
川差尤苦此行無副使僅隨帶理藩院郎中一員彼
此統計跟役共五人餘皆蒙古官員及站丁等易於
管束二月初抵巴林卽日

賜奠禮畢該處餽遺馬匹銀兩甚厚一概辭却福晉及小貝

子率眾再三跪求予恐失外藩心僅收哈達一具

如長

巾以白色綾爲之蒙古人見尊長呈此爲敬復進杯酒少飲卽返轡行中

途過蒙古廟禮佛卽以所受哈達供案前蒙古仍走

送謝卻之此大另有巴林日行記三月初差旋覆

命召對時

詢及出差事據實詳細覆奏

天顏甚霽差次蒙

簡充日講起居注官是日一併具摺謝

恩至家叩調太夫人甚喜三月初蒙

恩派署刑部左侍郎是月中旬在刑部署任補行引

見詹事京察奉

旨照舊供職

京察年凡五品至三品京堂均另班引子差竣雖署侍郎仍係三品故補行引

見

交憲公事略

卷二年譜上

天

是月又蒙

恩補閣學仍兼署刑部四月天津海口失事

即英吉利法耶西初次北犯事

也京師戒嚴再設巡防蒙

派署鑲黃旗漢軍副都統缺任守城之責是月

派閱考試差卷五月天津事稍定二十一日忽蒙

命在軍機大臣上學習行走聞

命之日自揣才力萬不勝任尤切悚惶次早謝

恩另班

召見極力叩辭未獲

俞允從此常懷退志然未敢再乞惟日夜滋懼益加兢惕耳

六月遷禮部右侍郎七月充署

經筵講官八月兼署戶部右侍郎兼管錢法堂事務九月

派恭送

實錄

聖訓各項差請

訓時

上詢至家後請假否蓋尙

記前歲以親老請就京職事予據實回奏現已迎養不敢再

交文忠公事略

卷一年譜上

三

行請假

上首肯之

天恩高厚曲體臣子之心有加無已實足感泣

是行往返皆係自備資斧

先期命人於途中賃定店寓 岳丈亦命人迎於山海關代為預賃尖宿各處予自出四川差以後每遇出差皆不受 地方供應 十月至瀋候擇吉

尊藏小佳五日僅赴南塋祭掃無暇赴 孀母新塋惟望祭

而已 從兄已於城東四里窪另立新塋

適值妻弟於本年六月猝染

時疫作故翁壻相對之餘難免彼此心酸而 岳丈

卻極力忍勸強作歡笑詞色予恐引悲慟亦不敢詳

為詢及因潛往厝所哭祭妻弟性醇謹岳駭極鍾愛昔年與子共窗視親密如手足上年補刑部筆政赴京引見子見其悃悃無華且已成立心甚喜不意年甫二十有五即中道乖棄尤堪悼惜十一月差旋蒙

恩賞紫禁城騎馬是月與同值者蒙

賜飯於

圓明園之澄虛榭

賜御用酒杯一石榻

御書齋莊中正 天保九如 桂林一枝 匾額三方是月

轉補吏部右侍郎

文忠公事略 卷一 年譜上

三

賜福壽字

向例初次僅出 賞福字予蒙兼 賞壽字實 出 曠典是日值 太夫人生辰得壽字賞尤可 喜自此歲歲 除夕復 賜福壽焉

賞喜字

九年己未四十二歲二月

派閱戊午科順天覆試舉人試卷三月充知貢舉另有復日記

簡放鑲紅旗蒙古副都統四月

派閱 朝考卷八月復署理戶部右侍郎兼管錢法堂事務

是月又蒙

恩在軍機大臣上行走調補工部右侍郎並調補鑲白旗滿

洲副都統予益滋懼惟

天恩高厚雖欲乞休而不能九月

派閱己未科覆試舉人卷十一月又調補戶部左侍郎到任

未及五日戶部失火延燒幾盡幸大庫無恙次日同

官具摺請罪蒙

恩僅予革職留任是時仍兼署工部右侍郎月底方交御臘

初蒙

賜飯於

長春宮復

文忠公事略

卷

年譜上

三

賜石搗

御書齋莊中正匾額一方

御用酒杯一並於例

賜福壽字之外除夕又另

賞福字

是年慎之為天津延去坐幕請張啓明授二姪讀啓明名燦直隸灤州生員

十年庚申四十三歲三月

派閱宗室進士覆試卷閏三月初十日酉時妾生長男

夫人喜極命名泰格

先是友人以銀娃見贈云係乞自泰山佩之生男得子後另製

銀娃送往泰嶽因以泰命名

予以其五行缺水火取官名曰熙泰

以二字字體暗有水火也是月

派閱本科進士覆試卷及江西等省舉人補行覆試卷

派署工部右侍郎並充對引大臣四月

簡放左翼總兵

俗稱副提督

五月

派閱朝考卷七月天津海口失事

上年英法兵船至海口僧王出其不意擊之大

獲勝仗本年併力傾師來犯其鋒甚銳僧王又多牽制後路未設兵遂至大敗節節退至通州事不可問

京師又戒嚴人心震動任京職者紛紛走避較癸

丑年尤甚七月我軍又由通州敗退事愈急有請

上巡幸木蘭者予恐搖動人心有關大局且塞外無險可扼

交文忠公事略

卷一 年譜上

三

我能往彼亦能往力持不可冒死叩留

上意稍定尋復為先入者所搖予急而請

見蒙獨對切言所以不可輕動之故

上頗悟退復與同人遞奏片詳細開陳利害以堅

上意始奉

諭旨勵軍勦敵

宣示中外朝野相慶未幾敵烽逼近言者遽倉皇入以危言

聳

聽遂於八月初八日請

上啓鑾留予署步軍統領

俗稱九門提督

派王大臣辦理留京守城各事宜

諭令予隨同恭親王在城外辦理撫局勿庸駐城內然斯時

人心惶惑實任提督及右翼總兵均隨

扈行予一人兼提督總兵之職責任地方不能不入城以定

人心送

駕後與恭邸布置稍定酉刻趕卽入城登朝陽門閱視始知

守城兵已數日未領口糧且守具毫不足恃勢將瓦

解事急不及奏請只好開倉庫散放錢米

嗣補行又奏明

文文忠公事略

卷

一年譜上

三

聞人聲鼎沸僻巷中已有搶奪之事刻卽示諭五營

拿獲正法夜半人心始定歸家謁見太夫人設詞

安慰五鼓復出城與恭邸辦撫局仍飛催各路勤王

之師並具摺

行在恭請

聖安兼奏城中已經安定以慰

聖懷晚復入城自此奔馳日無停趾斯時內外城搬徙已空

大小官員未去者僅十之一二太夫人及眷屬仍

在城未動又數日敵逼城下街無行人予慮太夫

人驚恐始移請於易州鄉間暫避

萬易州樓山村
庚子同年王宅

太夫人既出城子無牽掛夜則進城守禦晝則出城

辦撫往來鋒鏑間已置死生於度外矣旋奉

旨命兼辦軍機處鈔發各省摺奏事件時奔馳城內外勢難

兼顧不得已奏請另

派大員署理步軍統領路梗未奉到

同批人愈少事愈多實為棘手九月中始奉

旨派侍郎麟印魁署步軍統領月底撫局定迎 太夫人歸

雖幸骨以復聚然念

文忠公事略

卷一年譜上

三

上駐蹕塞外天氣苦寒於

聖躬大局均屬非宜因與王大臣具摺請

迴鑾未邀

允又以

淀園被擾雖另有守禦之人然地係五營所轄不敢不

具摺請處奉

旨僅革職留任是時予仍充左翼總兵及戶工兩部侍郎又

派署管理圓明園八旗印鑰及鑲黃旗滿洲都統鑲藍旗護

軍統領大亂甫定事如蝟集兼自七月底至九月中

衣不解帶目不交睫者七十餘日愁勞倍至既犯咳
血之證又加氣喘之疾矣是年冬文又策誠二職致

上於行在仍照常

賜福壽字除夕予並蒙另

賜福字

聖恩優渥始終有加無已為臣子者應如何圖稱且因辦撫

局與同事諸人並蒙

加恩優敘尤覺感愧無地矣

十一年辛酉四十四歲元旦朝賀於

文文忠公事略

卷一年譜上

重

午門外感觸無既二月復具摺請赴

行在奉

批文祥著毋庸來是月授右翼前鋒統領

太夫人因二姪

及姪女婚嫁等事擬回藩予以

上未迴鑾不敢乞休亦不敢請假不得已僅命妻女隨侍東

旋先期岳丈命坦園同四從弟來迎啓程前三日

值次女招哥出天花因留妾及泰哥在京

起程後泰哥亦出天

花均吉順三月初旬妻奉

太夫人攜女及弟婦二姪姪

女等旋里

時從兄自置小河沿寇宅房移居已久舊房早經賣出從兄所置房不敷居住

小東關街北王宅房皆岳丈代為操持一切是時

雖有妻在家侍奉子仍念切庭幃夏間失血病稍愈

子病時服藥未令家中知恐為大夫人憂也乃七月又遭

先帝在木蘭

升遐予以受

恩最深痛尤甚失血病復發連服藥餌力疾辦公八月

派充崇文門副監督不獨無暇且亦無心及此一切事由

正監督瑞公印常辦理十月

穆宗毅皇帝迴鑾心稍安因差務太繁不能兼顧懇辭軍機

文文忠公事略

卷一年譜上

美

大臣並面陳親老情形兼請開缺終養迄未邀

准是月

派充

實錄館副總裁

經筵講官管理神機營事務並因春間專設總理各國事

務衙門兼充管理該衙門事務軍務夷務紛至沓來

軍機處恆夜半散值自此披星戴月習以為常更加

勞碌矣十一月蒙

頒賞

先帝御用花袍白玉搬指時辰表

舊例謂之近

御之一二品大賞遺念凡

員始有此應敬謹供奉潔室賞例

是年恭逢

御極恩詔子擬以應得二品廕生移廕於姪凱肇限於例有

不准廕姪仍歸泰哥請廕焉子歷次革職留任處分亦於是年開復

同治元年壬戌四十五歲因

覃恩為三代請一品封典並請將妻室應得封典馳封

嫡母正月蒙

恩授都察院左都御史正白旗蒙古都統二月

派管理國子監事務予由納監中會昔曾在此錄科今竟職司總理慚感交集三月

交文忠公事略卷一年譜上

三毛

派閱順天補行覆試舉人卷是月署工部尚書並管理工部

火藥局事務四月

派充總管內務府大臣予自升任左都御史交卸二品任內

所兼差務事稍減今復因差繁懇辭內務府大臣仍

未邀

允六月充辛酉科拔貢朝考閱卷大臣得士一百一十八

人是科因各省軍務未竣道路梗塞朝廷體恤寒士准先到者赴考故人數無多是月署

兵部尚書七月崇文門任滿正額贏餘均照新例一

概交清不獨無虧且有餘贖因於

召對時據實奏明緣此係調劑之差不敢昧心八月補授工部尙書仍兼署兵部尙書九月

文宗顯皇帝奉移東陵隆福寺予前本充總理喪儀大臣現復任工部內務府承辦差務甚多因

派往執事十月初差旋是月初六日妾生次子太夫人聞之喜甚寄信命名聯格取聯生貴子之義官名曰熙恒是年接買大東關街北聶宅房於四月移居七月姪凱肇娶正紅旗滿洲依爾根覺羅氏八月姪女適

交文忠公事略

卷一

年譜上

三

鑲黃旗滿洲梅和里氏皆弟在時爲之字聘者

此時從兄自置小河沿住房已四五載矣因憶

八年秋

派差來藩於回京前一夕日叔

父與予談及家中舊產恐兩京睽違日久後人

不知原委意欲就予在省商酌析居予曰我家

自父與叔以來由省赴遼由遼回省同居五六

十載和睦無閒言且自祖父雖置有薄產早

已典當殆盡析無可析弟兄各就仕途日後宦

游無定亦不析而自析現在四弟及凱姪等均

未成立將來祥與兄如稍裕不妨贖出舊產分給四弟凱姪等是則心之所願此刻似暫不必議及

叔父亦以爲然嗣從兄自置小河沿房

叔父以賣南關住房之價遂贖回北關圍地

處從兄及四弟復自備價贖回西關市房一所

及城北地五日

皆祖產也

咸豐十一年 太夫人攜

弟婦二姪等同藩 叔父以園地及道光王寅

年所典鐘樓南市房分給凱姪母子以西關市

房及城北地分給四從弟其餘先年舊物不過

完

粗重家具且多損壞無可分撥至是子始置大

東關十字街北聶家住房奉 太夫人與凱姪

母子等同居同治七年春哥又另買小河沿中

間住房奉伊母同居四弟自置揚教寺南住房

奉 叔父同居於是居然分三宅不析自析矣

此皆迫於時勢並非骨肉生疏後世其勿因分

居各爨遂道途相視蓋我家自 祖父以來久

稱和睦雖百世尤應仰體至分撥舊產均係

叔父與子往返函商所定並無偏倚後人不得

因此爭競附錄之以備他年觀覽

文文忠公事略

卷二年譜上

早

